



無·在

臨暗个長途巴士行在高速公路个烏水底肚

天光漸漸

漸漸仔撈日仔收起來

恬恬靜靜坐在斷烏个車肚个偈

同歸車毋熟識个人共下

目金金望著

頭前个車尾燈 牽出

絲絲个紅線

這條火紅个線總係在踏擋仔个時節

特別紅

歇在都市大樓

還係輒輒緬起莊下老屋前个杌仔樹

恁久試試仔在鐵窗邊唇放一盆多肉个仙人掌

風起時，緬起屋旁蕓霧个白色花心

輕連連跌落面頰个當晝

分鄰屋遮忒个天光煞尾堵好用恬靜補滄

板葉樹在屋背生得皮皮連心

黃昏市仔伯姆賣个板個個淨淨俐俐，淨伸

口音有熟識味緒

輕手輕腳个時光在偈細時心項放等紅板

續等艾板菜包

年尾過忒又年頭

往時个記憶像密密不會斷个車陣

有人超車，淨好輕蹬擋仔

定定仔蹬定定仔行

渡偈看著冬下頭在炊板水氣濛濛之間

打開籠床白白淨淨个手，這下

佢陪睡忒當久个你个神魂在病房个白色眠床軟怠怠

放等

等天光盡尾乜緩緩仔無力垂落來，該日

坐在火葬場外背凳子項个偈 仰頭

一門煙囪散出一口

淡淡个大氣

這日以後

偈就變做有時 無心

就會踏擋仔个人

有時踏擋仔个人離家歇在有當多高架道路个都市

無心在大樓頂頂望著像分一條條長長个揹帶盤著

在不知哪時心頭一空个時節

逐條彎彎仔揹帶敢有可能係一條渡偈回轉老屋

回轉有你炊板个冬下頭个

臍帶